



## HE PUKAPUKA POUAKO

# TE AO HAKA



### KAUPAE 1

91979 | Te whakaatu māramatanga ki ngā huānga o roto i tētahi whakaaturanga o Te Ao Haka.  
(Ngā Whiwhinga: E 4)

**Te Rā Tuku Aromatawai ā-Waho: Te Wāhanga 4 - Te 29 o Oketopa, 2025.**



# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

He Kete Manarua .....	2
<b>91979 Te Whakaatu māramatanga ki ngā huānga o roto i tētahi whakaaturanga o Te Ao Haka</b>	
<b>Te Tūmahi Aromatawai Ā-Waho .....</b>	<b>4</b>
Te Whakamāhukitanga .....	4
Ngā Tohutohu .....	4
Whakatakotoranga Aromatawai ā-waho .....	4
He Whakamāramatanga 2 (mai i te Paerewa Paetae) .....	5
He Whakamāramatanga 3 .....	5
Te Wetewete i te Paerewa Paetae .....	6
<b>Te Paerewa Paetae .....</b>	<b>7</b>
Te Whakatakotoranga Aromatawai ā-Waho .....	9
<b>Te Tautuhinga Aromatawai ā-Waho .....</b>	<b>9</b>
Ngā Herenga Aromatawai ā-Waho .....	10
Te Motuhēhē o ngā mahi o ngā ākongā .....	10
Te Tāpaetanga me te Hāponotanga .....	11
<b>He Mahere Aromatawai ā-Waho .....</b>	<b>12</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te whakaahua o te uhi o mua:

Nā Gina Smith te whakaahua / Adobe Stock.



# Te Ao Haka

91979 Te Whakaatu māramatanga ki ngā huānga o roto i tētahi whakaaturanga o Te Ao Haka

(Kaupae 1, Ngā Whiwhinga e 4)

Āta pānuitia, āta tirohia, āta whakaarohia ake hoki ngā tohutohu mō tēnei aromatawai ā-waho.  
Kaua e tukua kia noho tārewa tētahi wāhanga, engari whāia tonutia kia ita.

Kairangi	Kaiaka	Paetae
Te tātari i ngā huānga o roto tētahi whakaaturanga o Te Ao Haka	Te whakamārama i ngā huānga o roto i tētahi whakaaturanga o Te Ao Haka	Te whakaatu māramatanga ki ngā huānga o roto i tētahi whakaaturanga o Te Ao Haka

# Te Tūmahi Aromatawai Ā-Waho

## Te Whakamāhukitanga

Me tuku e te ākonga tētahi whakaaturanga e whakamārama ana i tōna mōhio me tana mārama ki ngā huānga o roto i tētahi tū o Te Ao Haka. Me mōhio te ākonga ki te whakamārama i ngā huānga i ngā Kapa Haka e rua i tū ki Ngā Whakataetae Pakeke ā-rohe i te tau 2024.

## Ngā Tohutohu

E hāngai ana tēnei Kete Manarua ki Ngā Whakataetae Kapa Haka Pakeke ā-rohe i tū i te tau 2024.

Ko tā te ākonga, he tīpako i tētahi rohe hei whakamahi mai māna. Ka noho ko te horopaki o tēnei huānga hei tūhura, hei wherawhera, hei whakamārama, hei whakamahinga mā ngā ākonga. Kei te pae tukutuku o Whakaata Māori ngā whakaaturanga kapa haka Ngā Whakataetae Kapa Haka ā-Rohe mō ngā pakeke hei mātaki māu/mā koutou. Tēnā, whakamahia atu ki tāu e pai ai.

- Me whiriwhiri te ākonga kia **RUA** ngā Kapa Haka o **TĒTAHI** ā-rohe i te tau **2024**. Ko ngā rohe ēnei (Tāmaki Makaurau, Waitaha, Tainui, Rangitāne, Te Whenua Moemoeā, Te Tairāwhiti, Te Arawa, Te Kāhui Maunga, Te Taitokerau, Te Whanganui-a-Tara, Mātaatua, Te Taihū, Ngāti Kahungunu).
- Me tuku e te ākonga tētahi WHAKAATURANGA e whakamārama ana i ngā huānga i kitea, i rangona hoki i roto i tētahi pekanga nō ngā Kapa Haka e rua. Me kotahi te pekanga nō ia Kapa hei whakamahi mai, hei whakamārama anō mai mā te ākonga.

### *Hei tauira;*

- i. Tāmaki Makaurau Rohe: Angitū - **Whakaeke**, Ngā Tūmanako - **Whakaeke**.
  - ii. Tāmaki Makaurau Rohe: Te Rōpū Manutaki - **Haka**, Te Waka Huia - **Waiata ā-ringa**, rānei.
- Me whakaatu mai ko wai ngā Kapa Haka e rua me ngā pekanga e rua kua whakamahia e te ākonga, arā, mōteatea, waiata ā-ringa, poi, haka, whakaeke, me te whakawātea. Mehemea he rauemi, he kiriata, he pikitia rānei ka whakamahia, me whai hoki ngā tohutoro.
  - Me tīpako e te ākonga ngā huānga nō te rārangi huānga kei tēnei aromatawai ā-waho. (Kei te whārangi tuarima te rārangi huānga e takoto ana). Me whiria kia RIMA ngā huānga.
  - Me reo Māori katoa, me reo Pākehā katoa rānei ō whakautu, kia kua e whakawhiti i ngā reo e rua.

## Whakatakotoranga Aromatawai ā-waho

Me kōwhiri e te ākonga kia kotahi te pekanga i ngā Kapa Haka e rua i tū ki Ngā Whakataetae Kapa Haka Pakeke ā-rohe i te tau 2024, hei whakamārama mai i ngā huānga i kitea, i rangona hoki.

Me whakautu haere te ākonga i ngā pātai e hāngai ana ki ētahi huānga e **RIMA** kei roto i ngā pekanga o ia Kapa Haka.

- » Tīpakona kia rima ngā huānga (nō te rārangi huānga o te aromatawai ā-waho nei) i whakamahia e ngā Kapa i roto i tana tū. I pēhea tā rāua whakamahi i ngā huānga nei hei whakaniko i tana tū.
- » Whakamāramatia ētahi ritenga/rerekētanga o roto i ngā huānga e rima kei ngā Kapa Haka nei, he aha rānei i rerekē ai, he aha rānei i rite ai?
- » I ngā huānga kei tēnei aromatawai ā-waho, he aha ngā huānga i motuhake kē ai ki a koe? He aha tōna pānga ki a koe? He pēhea hoki tō whakamahi i ngā huānga ki tō Kapa?

## He Whakamāramatanga 2 (mai i te Paerewa Paetae)

Me whakaatu māramatanga ki ngā huānga kei ngā Kapa Haka o Ngā Whakataetae ā-rohe mā te:

- » Whakamārama i ngā huānga e rima i roto i ngā whakaaturanga e rua.
- » Whakatakoto whakamāramatanga mō ia Kapa Haka.

Me whakamāori i ngā huānga kei ngā Kapa Haka e rua o Ngā Whakataetae ā-rohe mā te:

- » Whakamārama ka pēhea tā ngā huānga whakatau i ngā āhuatanga motuhake i roto i ngā tū.
- » Whakatakoto whakamāramatanga mō ia Kapa Haka.

Me tātari i ngā huānga kei ngā Kapa Haka e rua o Ngā Whakataetae ā-rohe mā te:

- » Whakatau i te pai o te mahi tahi o ngā huānga kia puta ai he hua i te tū.
- » Tātari i te whakamahinga o ngā huānga e mārama ake ai te tikanga o te tū.
- » Whakatakoto whakaaro mō ia pekanga, me te kōrero ki ngā ritenga, ki ngā rerekētanga anō hoki.

## He Whakamāramatanga 3

He āhuatanga motuhake ngā huānga e noho mai ana i roto i te tū, heoi kaore i whāiti ki te horopaki o Te Ao Haka anake.

### Whakamahia ngā huānga kei raro iho nei mō āu whakautu:

- |                |                |
|----------------|----------------|
| • Te wāhi      | • Te ōrua      |
| • Te huahuatau | • Te horopaki  |
| • Te hanga     | • Te tirohanga |

## Hei Tāpiritanga

Ko te pekanga e hāngai ana ki ngā wāhanga o Te Ao Haka.

Ko ngā pekanga e rārangi iho nei:

- Mōteatea
- Waiata ā-ringa
- Poi
- Haka, haka wahine
- Whakaeke
- Whakawātea

Mā te ākonga tētahi o ēnei pekanga mō ia Kapa Haka, heoi me whakatau te ākonga ko wai mā ngā Kapa Haka e rua, he aha hoki ngā pekanga e rua e whakamahia ana. Me haere ngātahi ēnei whakatau me ngā tohutoro e hāngai ana ki a ia.

## Te Wetewete i te Paerewa Paetae

Ko tā te ākonga i te aromatawai ā-waho Kete Manarua, he whakatakoto i ōna mōhiotanga me ōna māramatanga ki ngā huānga o Te Ao Haka, ā, me tōna hāngai ki te ao Māori i te horopaki o Ngā Whakataetae Kapa Haka Pakeke ā-rohe o te tau 2024.

Me wherawhera ngā ākonga te tūāpapa o Te Ao Haka i te Kaupae 1, mā te ako i ngā pūkenga whakaaturanga, ngā kōrero tuku iho me ngā taera whakawhanake o Te Ao Haka.

## Ngā Heipūtanga

Ko ngā taunakitanga mō tēnei paerewa kei roto i ngā whakaaturanga a ngā ākonga. Ka taea tēnei whakaaturanga i mua i te marea, i tōna kotahi rānei.

Me takitahi te mahi i tēnei aromatawai ā-waho.

# Te Paerewa Paetae

Tau AS91979

Putanga 2

Whārangi 3 o te 2

## Paerewa Paetae

<b>Aronga</b>	Te Ao Haka 1.4		
<b>Ingoa</b>	Te whakaatu māramatanga ki ngā huānga o roto i tētahi whakaaturanga o Te Ao Haka		
<b>Kaupae</b>	1 <b>Whiwhinga</b>	4	<b>Aromatawai</b> Ā-waho
<b>Marau akoranga</b>	Māori Performing Arts		
<b>Kokonga akoranga</b>	Te Ao Haka		
<b>Mana rēhita</b>	Kua rēhitatia	<b>Te rā i mana ai</b>	15 o Tīhema 2022
<b>Te rā e arotakengia ai</b>	31 o Tīhema 2027	<b>Te rā i puta ai</b>	10 o Hānuere 2023

Ka whakaatu māramatanga te ākonga ki ētahi huānga o roto i tētahi whakaaturanga o Te Ao Haka.

### Paearu Paetae

Paetae	Kaiaka	Kairangi
<ul style="list-style-type: none"> <li>Te whakaatu māramatanga ki ngā huānga o roto i tētahi whakaaturanga o Te Ao Haka.</li> </ul>	<ul style="list-style-type: none"> <li>Te whakamārama i ngā huānga o roto i tētahi whakaaturanga o Te Ao Haka.</li> </ul>	<ul style="list-style-type: none"> <li>Te tātari i ngā huānga o roto i tētahi whakaaturanga o Te Ao Haka.</li> </ul>

### Kōrero Āpiti

1 Ko tēnei Paerewa Paetae, he mea ahu mai i te *New Zealand Curriculum*, Learning Media, Ministry of Education, 2007, ā, ka hāngai ki ngā whāinga o ngā Whakaaro Whānui ki Taumata 6 o te *Tukutuku Ako o Te Ao Haka ki ngā Taumata 6, 7, 8*. [<https://ncea.education.govt.nz/arts/te-ao-haka?view=learning>].

2 Ka whai wāhi ki te *whakaatu māramatanga ki ngā huānga o roto i tētahi whakaaturanga o Te Ao Haka*:

- te whakaahua i ngā huānga e rima o roto i tētahi whakaaturanga.

Ka whai wāhi ki te *whakamārama i ngā huānga o roto i tētahi whakaaturanga o Te Ao Haka*:

- te tautohu i ngā mea ka whakaarohia e ngā huānga e pā ana ki te whakaaturanga.

Tau

AS91979

Putanga

2

Whārangī 4 o te 2

Ka whai wāhi ki te *tātari i ngā huānga o roto i tētahi whakaaturanga o Te Ao Haka*:

- te matapaki i te āhua o te mahi tahi a ngā huānga e tutuki ai tētahi hua;
- te mātai i te āhua o te pānga o ngā huānga ki te āhua o te mārama o te whakaaturanga.

- 3 Ko ngā *huānga* he āhuatanga nō tētahi titonga, nō tētahi whakaaturanga ka kitea i Te Ao Haka engari kāore e whāiti ana ki reira anake.

Kei ētahi o ngā tauira o ngā kaupapa ko:

- te tere
- ngā taineke
- te whakatau
- te reo
- te tirohanga.

He rārangi tōtōpū o ngā huānga kei te Kuputaka o Te Ao Haka

<https://ncea.education.govt.nz/arts/te-ao-haka?view=subject-glossary>

---

### Tātari Kounga

- 1 Me mātua whakaae ngā kura me ngā whare mātauranga e te Mana Tohu Mātauranga o Aotearoa kia whakahaere aromatawai i mua i tā rātou rēhita i ngā whiwhinga i ngā aromatawai i te taha o ngā paerewa paetae.
- 2 Me pāhekoheko rawa ngā kura me ngā whare mātauranga, kua whakaaetia tā rātou aromatawai, ki te pūnaha mātairua e hāngai ana ki aua paerewa paetae.

Te tohutoro mō ngā Here o te Tuku Whakaaetanga me te Mātairuatanga (CMR)  
0233



# Te Tautuhinga Aromatawai ā-Waho



Te Paerewa Paetae	91979
Te Ingoa o te Paerewa Paetae	Te whakaatu māramatanga ki ngā huānga o roto i tētahi whakaaturanga o Te Ao Haka
Ngā whiwhinga	E 4
Te Marau	New Zealand Curriculum, Kaupapa Ako Māori: <a href="#">Te Ao Haka</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4   .mov (<5GB)
Te Rā Tuku Aromatawai ā-Waho	Te 29 o Oketopa 2025
Ngā Wātaka Aromatawai ā-Waho	<a href="#">Ngā Rā Aromatawai ā-Waho 2025</a> <a href="#">Examination timetable and assessment dates 2025</a>

## Te Whakatakotoranga Aromatawai ā-Waho

Me whiriwhiria te ākonga kia **RUA** ngā whakaaturanga/tūnga kapa haka, o **TĒTAHI** whakataetae Kapa Haka ā-rohe 2024 (Tāmaki Makaurau, Waitaha, Tainui, Rangitāne, Te Whenua Moemoeā, Te Tairāwhiti, Te Arawa, Te Kāhui Maunga, Te Taitokerau, Te Whanganui-a-Tara, Mātaatua, Te Taihuhu, Ngāti Kahungunu) hei whakamārama, hei whakatinana i ngā **huānga** nō roto mai o Te Ao Haka.

Me whakatau i roto i tēnei aromatawai ā-waho ko wai aua kapa haka, ā, nō hea aua kapa haka e rua, ka mutu, mehemea he rauemi hāpai, he kiriata hei whakakipa anō i te aromatawai ā-waho nei, whakamahia.

Me whai hoki he rarangi tohutoro, ā, **me whakautu** te ākonga i ngā pātai e hāngai ana ki ngā huānga e **RIMA** kua tīpakona mai i te rārangi huānga.

He takitahi te mahi i tēnei aromatawai ā-waho, heoi ka taea tēnei whakaaturanga i mua i te marea, i tōna kotahi rānei.

Tirohia i te kuputaka marau o Te Ao Haka mō ngā kupu whakamārama mō te kupu 'huānga' ([Te Ao Haka | NCEA \(education.govt.nz\)](#)).

Tēnā tirohia te Kete Manarua i te paetukutuku nei - [He Kete Manarua](#).

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai ā-waho. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

### Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a NZQA](#).

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waeahia rānei te NZQA Contact Centre i te 0800 687 296.

# He Mahere Aromatawai ā-Waho

Te Ao Haka 91979: Te whakaatu māramatanga ki ngā huānga o roto i tētahi whakaaturanga o Te Ao Haka.

Achievement with Excellence	Achievement with Merit	Achievement
Te tātari i ngā huānga o roto i tētahi whakaaturanga o Te Ao Haka.	Te whakamārama i ngā huānga o roto i tētahi whakaaturanga o Te Ao Haka.	Te whakaatu māramatanga ki ngā huānga o roto i tētahi whakaaturanga o Te Ao Haka.

## Te Taunaki i te Aromatawai ā-waho

Kairangi	Kaiaka	Paetae
<p>Me tātari i ngā huānga kei ngā Kapa Haka e rua o Te Matatini mā te:</p> <ul style="list-style-type: none"> <li>» whakatau i te pai o te mahi-tahi o ngā huānga kia puta ai he hua,</li> <li>» tātari i te whakamahinga o ngā huānga e mārama ake ai te tikanga o te tū,</li> <li>» whakatakoto whakaaro mō ia pekanga, me te kōrero ki ngā ritenga, ki ngā rerekētanga anō hoki.</li> </ul>	<p>Me whakamāori i ngā huānga kei ngā Kapa Haka e rua mā te:</p> <ul style="list-style-type: none"> <li>» whakatau i ngā āhuatanga motuhake i roto i ngā tū,</li> <li>» whakatakoto whakamāramatanga mō ia Kapa Haka.</li> </ul>	<p>Me whakaatu māramatanga ki ngā huānga kei ngā Kapa Haka e rua mā te:</p> <ul style="list-style-type: none"> <li>» whakamārama i ngā huānga e rima i roto i ngā whakaaturanga e rua,</li> <li>» whakatakoto whakamāramatanga mō ia Kapa Haka.</li> </ul>

## Te Taunaki i te Aromatawai ā-waho

KR8	KR7	KA6	KA5	P4	P3	KW2	KW1
<p>Ka whakamārama tika i ngā huānga e <b>RIMA</b> kua whakamahia i ngā whakaaturanga.</p> <p>Ka whakamārama i ngā āhuatanga katoa o te whai wāhitanga atu o ngā huānga e <b>RIMA</b> i te whakaaturanga Te Ao Haka nei, ki te hunga mātakitaki.</p> <p>Ka wānangatia ngā āhuatanga katoa o te mahi tahi a ngā huānga e <b>RIMA</b> e puta ai he hua.</p> <p>Ka nui te matapaki, te whai wāhi ano hoki a ngā huānga ki te whakaaturanga, me te whai māramatanga a te hunga mātakitaki ki ngā huānga nei.</p>	<p>Ka whakamārama tika i ngā huānga e <b>RIMA</b> kua whakamahia i ngā whakaaturanga.</p> <p>Ka whakamārama i ētahi āhuatanga o te whai wāhitanga atu o ngā huānga e <b>RIMA</b> i te whakaaturanga Te Ao Haka nei, ki te hunga mātakitaki.</p> <p>Ka wānangatia te mahi tahi a ngā huānga e <b>RIMA</b> e puta ai he hua.</p> <p>Ka matapaki hei whai wāhi ngā huānga ki te whakaaturanga</p>	<p>Ka whakamārama tika i ngā huānga e <b>RIMA</b> kua whakamahia i ngā whakaaturanga.</p> <p>Ka whakamāramahia ōna mōhioatanga mō ngā huānga e <b>RIMA</b> o Te Ao Haka kua whakamahia i te whakaaturanga.</p> <p>Ka whakamārama whānuihia te whakarākeitanga o ngā huānga o Te Ao Haka i roto i te whakaaturanga.</p>	<p>Ka whakamārama tika i ngā huānga e <b>RIMA</b> kua whakamahia i ngā whakaaturanga.</p> <p>Ka whakamāramahia ōna mōhioatanga mō ngā huānga e <b>RIMA</b> o Te Ao Haka kua whakamahia i te whakaaturanga.</p> <p>Ka āhua whakamārama i te whakarākeitanga o ngā huānga o Te Ao Haka i roto i te whakaaturanga.</p>	<p>Ka whakamāramahia kia <b>RIMA</b> ngā huānga kua whakamahia i te whakaaturanga.</p> <p>Ka whakamāramahia ō mōhioatanga ki ngā huānga e <b>RIMA</b> o Te Ao Haka me te hononga o ērā ki ngā whakaaturanga.</p>	<p>Ka whakamāramahia kia <b>RIMA</b> ngā huānga kua whakamahia i te whakaaturanga.</p> <p>Ka whakamāramahia ō mōhioatanga ki ngā huānga e <b>RIMA</b> i te whakaaturanga.</p>	<p>Kua ngana ki te whakautu, ki te tuku taunakitanga engari kaore tonu i te hāngai ki te paearu.</p>	<p>He iti rānei, kaore rānei he taunakitanga kua tukua mai.</p>

## Ngā Whakatau iho:

Kairangi	Kaiaka	Paetae	Kāore i whiwahi
7 - 8	5 - 6	3 - 4	0 - 2